

## Kolosi

1-2 Ẹ Pol-ta, Yesu Kerisoné ala erāle fọpóló, Kótóné ama tuénétei, *apose*l whì sóró beteralepó. I dere aṣeta, ḍané no Timoti ḍamo wusuró bitu, ḍiḍ Kolosi bemó betó mole no nerapepaae ḍapó. ḍiḍ Yesu Keriso tuamó betepa, Kótóné ama so whipóló kae beteró betereiteiné diaaḍ ama ala ḍāle eró tarapó. ḍané Aya Kótóné hamokoróló ḍāle tao sere alaró hosaa muni deyóló mo dua betere alatamo ḍiḍpaae erópóló yae.

### *Talepaae mo kée yóló moma yaleteti*

<sup>3</sup> ḍa tẹteróló kaae tare whì Yesu Kerisoné Alima Kótópaae momaturaalu, ḍiḍ keteréni kisipa ḍāle yó taru, Kótópaae mo kée du beteraḍó.

<sup>4</sup> Ti noatepae, ḍiḍ Yesu Kerisopaae kisipa tiki tiró bitu, Kótóné kae beteró betere so whipaae yaala sókó fu beteraḍó dere fo ḍané wosalepó.

<sup>5</sup> Diaaḍ tué tiki tiratere alaró yaala sókó fole alatamo ḍāle dumitei, take nalopaae eraaire wisi ala hepen bemó mulapóló kisipa mutu du beteraḍó. Ti ai eraalopó dere alata, mené ḍiḍpaae bete mole fo i ape yóló yó male fo wisi wosale betené kisipa yalepó.

<sup>6</sup> Take mené kale fo wisi ḍiḍpaae yó matepa wosaleiteiné, Kótóné bete mole mo fo tuamó bole ama ḍāle hamokoróló tao sere ala mo turó diaaḍ kisipa yalepó. Atéyale sukamó kaae sóró, ai fo ḍiḍ tuamó fakeraté fóló du wisi oleté walepó. Atére kaae i hae kwia feamó betó mole so whì tuamókélé ai fo wisi du oleyóló fakerótu beteraḍó.

<sup>7</sup> Ai fo wisita, Epapras-né diɔpaae yó matepa wosalepó. Ai seké ɔta, dɔ betɔ kutó diratere hosaa mole no bitu, dɔné diɔ tao saalopó yale kaae, Kerisoné ala wisiyóló eró taru, ama diɔ taosu beteraɔpó.

<sup>8</sup> Téru, kale Deɔ Kepe Wisiné diɔ tuɔpaae eratere yaala sókó fole ala diɔnémo mepaae so whɔpaae erótu beteraɔpó fo dɔpaae ene walepó.

<sup>9</sup> Atére betené, diaaɔ du betere ala dɔné wosale be demó kaae saletei, miókélé diɔmó moma dere ala haɔle eró tarapó. Kótóné Deɔ Kepe Wisiné diaaɔ kepe bete tuɔpaae mo bete mole fo diriyóló kisipa dere alaró ama kisipa mole ala eraaire fosó fosói kisipatamo diɔ tuɔpaae mo ti sɔrɔpóló, momarótu beteraɔpó.

<sup>10</sup> Ti dɔné momatu betere alata, diɔ Talené ama so whɔ sɔtóró beteraɔpóló du beteraɔpó. Diɔ atei so whɔ bitu, diaaɔ du betere alakélé fea ama kisipa feléyaaire ala eraalopó. Tétu, kae kae wisi ala deremó du wisi oleyóo, Tale ɔ etei kaae Kótópóló kisipa deté fóo yaalopó.

<sup>11</sup> Diɔ Talené ala eraai hɔni, haɔle eraté fóló wisi kisipatamo dua kaae taté fɔpóló, Talené ama kae ere ala tuɔmó bole fotokɔné diɔ sɔraalopó.

<sup>12</sup> Diɔ Ayané tɔteróló kaae tare aɔmó mole deɔ wisinaale tuɔmó, Kótóné kae beteraɔpó betere so whɔmó ama muló betere ɔla wisi diɔkélé atimatamo betamó bitu sópóló, Ayané diɔ sɔratepa haɔtamó ɔpaae mo kée yaalopó.

<sup>13</sup> Dowi kisipatamo hɔko tɔteróló kaae tare dili tuɔmó dɔ betepa, Kótóné tao sóró ama hosaa mole naalené tɔteróló kaae tare aɔmó beteraɔpóló dape salepó.

14 Dá ą tuámó atéro betereteiné dowi alané dá dokóló mupa, ama dupuróló hąle fópóló eralepó. Atétu, dané dowi alamó saai yale kwia fea ama hąle kemeró beterapó.

*Yesu Kerisoné ama ere alané mepaae whi ó ere ala fea bosené falapó*

15 Yesu Kerisota, mo whiné kelené kilinire Kótóné ą ere ala kolópóló hąkearó betere asotóro beterapó. Tėru, ąla ąla fea aleyaaipatei, ą mo taketi hąle bitu, fea ala ama tẹteróló ą topo whi beterapó.

16 I haemókélé, ó hepen bemókélé yó mole ąla ąla mo fea Kótóné Yesu Keriso tuámótóro kaarėlipakalepó. Dané kelené kelere ąla ąlakélé, kelenire ąla ąlakélé, tẹteróló kaae tare doasi topo keperapekélé, atimané tẹteróló kaae tare alarapekélé, atima aqmó bitu, mepaae ala tẹteróló kaae tare keperapekélé mepaae kutó tẹteróló kaae tare whirapekélé fea amatóro alipakalepó. Aleyóló muló betere ąla ąla fea Kótóné ąpaae aleyae yóló ama naase tuámó mulatepa alipakalepó. Ti ai ąla ąla fea aleyóló muló betereteita, Yesu Kerisoné ama kisipa mole alatóro erópóló erapó.

17 Fea ąla fea aleyaaipatei, ą mo taketi hąle bitipakalepó. Aleyóló muló betere ąlakélé, betó mole ąlakélé fea ą tuámó yó moletei, atima doko feané yaai dere ala du beterapó.

18 Yesu Keriso ą topo bitu, dá Keriso fake so whi ama tikitóro betepa, ama tẹteróló kaae tarapó. Ti folosóro ą sukóló momó kepaareteiné dąkélé ą yale kaaetóro yaalo ai ape. Atėreteiné mió ą fea ala fea tẹteróló folosóro fale topo whi beterapó.

19 Ti noatepae, Kótóné ama ere ala mo turó a tuamó faanópóló wisi kisipatamo eralepó.

20 Atéturaalu, Kótóné Yesu Keriso tuamó erale alané hepen bemókélé ó i haemókélé fea alatamo touyóló betamó wisiyóló beterópóló, ama naalema filipaa ni tómó sókó fararale sameané bóe firalepó.

21 Take diã Kótótamo betamó bitini kae bitu, diaaḡ du betale dowi alané tuḡ tuamótei Kótótamo bóe du betalepó.

22 Tépateti, mió Keriso a mo whi tiki daayóló sukaleteiné bóe firóló diã Kótótamo betamó beteralepó. Ti aita, Kótóné keletómó me alakélé muni, mo kae so whi betóo, ḡsókó felepóló só deraaire bete munire so whi betóo, yópóló yalepó.

23 Ti Take diaaḡ woseté wou betale fo wisipaae kisipa tiró betteretei taaréni, miókélé ai fo tuamó diriyóló bitu, nalopaae mo wisi ala kelaalopóló ḡaitamo kae taté bu betepa, ti Talené keletómó ama kae beteró betere so whi ai ape. Ai fo wisita, mepaaené diãpaae yó matepa wosóo, Kótóné i hae kwia dokómó beteró betere so whi feapaae yó maté kweyóo, E Pol-kélé ai fo yó melópóló kutó diratere whi sóró beteróo yalepó.

*Pol a so whi tao saaire kutó dirótu betale ala*

24 Yesu Kerisoné so whita ama tikitóro betepa, atima tao saairaalu, ama tikimó doasi seḡ salepó. Ama tikimó ai sale seḡi ala kwia daaletei, mo ti kemeraairaalu, mió yalokélé diãpaae kale fo wisi yó mótu betteremó, mepaae whirapené epaae seḡi ala eraleteimó mo kée du beterapó.

<sup>25</sup> Ẹta, Kótóné ama so whì tao sóró kutó diratere whì bitu, ama bete mole fo mo turó diàpaae yó melópóló, Talené ẹ sóró beteralepó.

<sup>26</sup> Ai fota, mo taketi bitiré wale so whìné ke-  
laqsóró kinóló moleteti, mió Kótóné kae betero  
betere so whìné kolópóló haķearó beteraþó.

<sup>27</sup> Juda meire fake so whì tuamó kae betero  
betere so whìpaae ai kinóló mole ala, de faanu  
ke wisi bulapóló tuẹ yópóló Kótóné ama kisi-  
panétei haķearaleþó. Ai ke bole wisi ọlata, dià  
tuamó betere whì Yesu Keriso ai ape. Ai sekẹ dià  
tuamó betereiteiné, take nalopaae wisi de tuamó  
betaalopóló haķtamo beteraþó.

<sup>28</sup> Dià fea Yesu Keriso tuamó me ala haşókó feni,  
mo donore so whì betepa, Kótóné keletómó yó  
melaai kisipa mutu, Yesu ą etei kaae whìpóló dané  
yó mótu beteraþó. Tétu, diaaọ du betere hoķo ala  
taaróló wisi tuþaae fae yóló ma fo yóo, Kótóné  
matere fosó fosói kisipatamo ama bete mole fo  
eterópóló yó melóo, du beteraþó.

<sup>29</sup> Ai ala yaalopóló kisipa mutu, Yesu Kerisoné  
ama kutó ketekẹtamo depe tukówei ala i du betere  
ape.

## 2

<sup>1</sup> Dià Kolosi bemó betó mole Keriso so whìkélé,  
Laodisia bemó betó mole so whìkélé, yało kelepaa  
kilinire no nerapekélé, Talené tao sópóló kisipa  
mutu, ẹ depe tukówei ala du betereitei diaaọ kisipa  
yaasepóló i dere ape.

<sup>2-3</sup> Yało yaai kisipa mutere ala i ape. Atima  
haepaae derepéni, yaala sókó fole alané atima  
fea dokóló, mo beta tuétóro mulu, ketekẹ buóló

beterópóló dapó. Aita hãle mei, mo bete mole fo sóró taru, Kótóné ama hiró betere ala wisi mo turó tué yópóló du betera. Ai hiró betere ala hãkearale whita, me kae mei, Keriso ątórótípó. Kótóné fosó fosói kisiparó bete mole ala wisitamo ą tuámó kinóló mulapó.

<sup>4</sup> Yalo diapaae i dere fota, mepaae whiné dią di-likituraalu, kisipa tiki tiranére fo depa mo nisiyóló sya faqsóró dapó.

<sup>5</sup> Ti noatepae, ęta diątamo betámó bitini, tika kae bitutei dią kisipa keteréni, yalo hosaa tuámó tué hãle yó tarapó. Yesu Kerisopaae diaaq tué tiki mo ti diriyóló tiratere alakélé, mepaae du betere alakélé hoko ini, donotóro du betera dere fo yalo woseturaalu, mo kée yóló ę hainé sukutu betera.

*Dąta mo hae whiné dere ala sya fumi, Yesu Kerisotamo betámó betera*

<sup>6</sup> Take diaaq Yesu Keriso dią ęteróló kaae tare Tale betera yale kaae, mió ama fo wosóló ą tuámó bitu, ama erae dere alatóro sya fóló erótu betae.

<sup>7</sup> Atétepa, ti diaaq betere bete mo turó Yesu Keriso tuapaae muló betereitei ni feleke haepaae durupu dere kaae yaalopó. Dią ą tuámó atéro bitu, take mepaae whirapené diapaae yó melale mo fo bete tué yó taru, apaae tué tiki tiratere ala mo ti faketé fóló, mo dirii whi betenárapó. Talené diapaae ai erale alarapemó kisipa mutu, mo kée dere fo dekéro yó tawae.

<sup>8</sup> I haemó doasi kisipa mole whirapené mepaae bete munire fotei, bete mole fo aqróló dią di-

likóló mo fo wisi taaróló, kapala fo du betere tuámó atimatamo beteraai wae saşsóró hotowaró kaae tawae. Ti atei kaae fota, Yesu Keriso tuámó kaayóló dumitei, mo whiné tuęre alaró i haemó tęteróló kaae tare fotokọ bole kepetamoné kaarótu beteraşó.

<sup>9</sup> Ti noatepae, Yesu Keriso ą mo whı tikitóró daalutei, mo Kótótóró betereiteiné, Kótóné ere ala ą tuámó mo şuró beteraşó.

<sup>10</sup> Atépa, diąkélé Yesu Keriso tuámó betereiteiné mepaae ala yąyąni, ama ere ala dią tuámó ąanóló mo şuró beteraşó. Atéru, ó şaró i haetamo tuámó betere mepaae tęteróló kaae tare keperaperó doasi doi mole keperapetamokélé, fea ama tęteróló kaae taru, ą topo whı beteraşó.

<sup>11</sup> Mo take bitiré wale Juda fake whiné mo tiki sekaş tukóló sirirótu yale kaae, dią Yesu Keriso tuąpaae biş wale sukamó ama so whıpóló siriró beteraşó. Ti ai sirita, mo whiné naasené eréni, Keriso ą filipaa ni tómó sukąleteiné ąané tó tikimó bole ekęlere ala tukóló taae faraleşó.

<sup>12</sup> Dią weı tóşualeteita, Yesu Kerisotamo betámó douraleşó. Yesu Keriso ą mo ti sukąletei momó kepaaróló beterale Kótóşaae ąané tuę tiki tiró betereiteiné, diąkélé kisi betere bete şópóló ątamó betámó kepaaróló betero beteraşó.

<sup>13</sup> ąané tó tikiné ekęlere ala tukóló taae falaai haşe muóo, take dowi ala du betóo, yale betené dią sukóló moleşó. Tépa, Kótóné diąkélé Yesu Kerisotamo betámó kepaaróló beteroşuraalu, ąané dowi alamó saai yale kwia mo fea ama tokóló aluraleşó.

14 Dəné yale dowi alamó də só deraai dapóló kwia betəpaaeróló muté huturaalu deəle dukú Kótóné Yesu Keriso filipaa ni tómó oleróturaalu mo ti doróló aluralepó.

15 Atéyaletiné kale tətteróló kaae tare keperaperó doasi doi mole topo keperapetamoné tare bõe dele ɔla ɔla Kótóné fasó salepó. Atéró Yesu Keriso filipaa ni tómó sukuturaalu so whi feané keletómó atima só deróló mo doasi haleralepó.

16 Atérapa, mepaae whiné diə só deraairaalu, nokole ɔla ó weɪ ó tukóló mole be de ɔ kisi wélié sókó wapa ɔla deteremó ó kutó diyaqsóró tukóló muló betere be dekéle, wisiyóló sya fumipóló só deratere fo momókó wosaqse.

17 Ti ai dosəayale alarapeta mo ala mei, Kótóné dəpaae eraaire wisi alané aso maaté erélipakalepó. Mo bete mole ɔlata, ti Yesu Kerisopó.

18 Mepaae so whi tuəmó bopé faketera ala bu-lutei, naameyóló dua betere aq yóo, *ensel*-rape aqmó bitu, atima doi sóró horóo, du beterapó. Tərapa, diə Talené muló betere ɔla wisi saasepóló, atei ala ekele yóló du betere so whi momókó sya faqse. Atei kaae so whi atima i doasi ala kelalepóló, fəlo siyóló deté fu beterapó. Atima tuékélé Dəi Kepe Wisiné meni, hoko bete munire kae kae dowi kiswa maaté faaturaalu, bopé faketu beterapó.

19 Yesu Keriso ətə, tikiné topo betepatei, atima atétu betere alané ətəmo betəmó olekenipó. Dəta ama tiki bitu, ai topomó bole fotokəné tiki turó diriyóló daalópóló olekeratere feleke diriró beterapó. Atəpa, ai tiki doatere alata Kótóné amatei



erótu beterapó.

<sup>20-21</sup> Dià i haemó mara mole alarape teteróló kaae tare keperapené dere fo sya fóló du betaletei, Yesu Kerisotamo betamó sukale alané mo ti kemeró beterapó. Téreteiné mió dià ai ala tuamó betepapakó, “I ọla naqse! ó I ọla tawaqse! ó i ọla olaa yaqse!” yóló ere fo aqmó bitu, sya fóló eraaló? Mo meipó.

<sup>22</sup> Ti noatepae, mo whiné tuénétei i ala yaqse ó i ọla naqse yóló yó mótu betere fota, bete muni mo aluyaalopó.

<sup>23</sup> Atei kaae ala du betere so whi atima kisipa mole ala sya fóló, Tale aqmó etéro betaalopóló yó melóo, bopé fake du bitutei naameyóló dua betere aqyóo, atima tikimó felé dere ala ini, mo hapólui ala maaté yóo, du beterapó. Atére alata, fosó fosó ere fo aqatei, dā hae whiné dowi ala yaai ekẹlere ala sesé yaaire fotokọ mo bunipó.

### 3

*Kerisotamo kepaayóló betereteiné tų wisi sya fae ere fo*

<sup>1</sup> Diàta, Yesu Kerisotamo betamó kepaayóló betera, diaaq hosaa mo turó ó hepen be tuamó mole alapaaetóro muló bitu, kisipa yó tawae. Ti aimóta, Yesu Keriso ą Kótóné turu naase eró betere fakeró beterapó.

<sup>2</sup> I haemó mole alapaae kisipa muni, ó hepen bemó mole alapaae maaté kisipa mutu betae.

<sup>3</sup> Ti noatepae, Yesu Keriso sukale sukamó diakélé atamo sukóló, mió diaaq betere bete Yesu Kerisotamo Kótó betere tuamó kinóló mulapó.

<sup>4</sup> Diã betere bete Yesu Keriso ama ere de wisi-naaletamo sókó wale sukamó, diãkélé ai de tuãmó betepa so whi feané kelaalo ai ape.

<sup>5</sup> Térapa, da so whiné tó tikiné i haemó mole alarape yaai ekelere ala mo ti dóló alurae. Aita, so nópu nokole alakélé, sonaalei dowi alatamo hosekétere alakélé, me ɔla senée yóló au nokole alakélé, dowi kisipa mutere alakélé momókó yaose. I haemó mole wisi wisi ɔla senée yóló ekelere alata, kapala kótópaae moma dere aɔrapó.

<sup>6</sup> So whiné ai alatamo haie du betepa, ti Kótóné fopaae buturaalu dowi kwia melaalopó.

<sup>7</sup> Take diã mo hae whi doi muóló betale sukamóta, ai dosayale alarape sya fóló du betalepó.

<sup>8</sup> Téyaletéi mióta, ai du betale dowi alarape derakele kuti sokóló taae fótu dere kaae, mo ti taae falae. Ai alarape i ape. Fopaae butere alakélé, fopaae buturaalu me whipaae eratere dowi alakélé, dei kisipa mutu me whipaae eratere sekei alakélé, me whi eróló doi doratere alakélé, dowi teka fokélé, mo taalae.

<sup>9-10</sup> Téturaalu, diã take daayóló betale tikiró yale alatamo sókóló taae faróló, mo bete mole fo tué siré furaalu, kisi whi aleraté fu beterapó. Ai kisi whi kaarale sekéné asotóro betepa, diãsisi kapala fo yaose.

<sup>11</sup> Da mió i betere kisi ala tuãmó mepaae whi Juda fake betepa ó Juda meire fake betepakélé, me ɔla meipó. Mepaae whi tiki sekaɔ tukóló siriró betepa ó siriró bitinipakélé, me ɔla meipó. Krik be fo buni, kae hae kwiamó wale whi ó me ɔla

kisipani, mo belei sókó deyóló betere whikélé, kutó dirópóló wae sóró betero betere whikélé, ó wae sini mo hale betere whikélé, me ɔla meipó. Mo doasi bete mole alata me kae mei, ɔa fea tuamó betere whi Yesu Keriso atóro ai ape.

<sup>12</sup> Atépa, Kótóné ɔia yaala sókó furaalu, mo kae so whi beterópóló sókó su erapó. Térapa, mepaae so whipaae yaala sókó fu kolené sukutere alakélé, mo wisi ala maaté eratereteikélé, deróló mo dua betere alakélé, ama enére ala taaróló, naame yóló mo dua betere alakélé, fopaae butere ala hapale ini, sekei ala hale beleyóló kaae taté fu betereiteikélé, ai dosayale alarape feata, kuti derótu dere kaae yóló betae.

<sup>13</sup> Mepaae whi hasókó fóló dere alamó seke kisipa muóló, foné hapale só deratere ala ini, me ɔla meipóló kisipa keteróló, sekeitei beleté fu betae. Ti noatepae, Talené diaaɔ dowi ala fea me ɔla meipóló kemerótu yale kaae, mepaae whiné ɔiapaae me kwia muló betepa, me ɔla meipóló hale kemerae.

<sup>14</sup> Ai alarape fea tetéro betere doasi bete mole ala i ape. Kutiné tiki turó husirótu dere kaae, ne nopaae kolené sukóló yaala sókó fole ala beta hale yó tawae. Ti ai yaala sókó fole alanéta, kale dosaté wale wisi alarape fea touróló dokorapó. Atére alané ɔa fea wisi kisipa muóló beterópóló, mo ti suró beteraapó.

<sup>15</sup> Atéru, Yesu Kerisoné mótu betere hosaa muni deyóló mo dua betere alané diaaɔ hosaa tuamó mole kae kae ala fea taleyóló teteróló kaae tanópóló yae. Ti noatepae, Talené ɔia fea a beterepaae ape yóló, mo beta tikitóro

daaróló beteró beterapó. Atére alata, diaaḡ mole kisipakélé mo betatóro muóló beterópóló erapó. Térapa, diaaḡ hosaa tuamó Talepaae mo kée dere ala suka fea hãle yó tawae.

<sup>16</sup> So whi bemó suka fea bitu dere kaae, Yesu Kerisoné ama fo diaaḡ hosaa tuamó mo ti muóló surópóló yae. Atéru, Talené ala eraairaalu, mo wisi kisipatóro muóló, u yó mótu i yó mótu dere alakélé, tu wisi sya foletai ḡsókó fóló dée naaitere tũpaae faḡsóró, ma fo u du i du dere alakélé hãle yó tawae. Tétu, Kótópaae wole fo duraalu, ama *buk*-mó aseyóló muló betere wole fokélé yóo, mió i alimó du betere wole fokélé yóo, mepaae so whipaae Deḡ Kepe Wisiné yó matere wole fokélé yóo duraalu, ḡaitamo diaaḡ hosaa turóné Kótópaae mo kée du betae.

<sup>17</sup> Atétu, diaaḡ mepaae dere ala ó dere fokélé fea da teteróló kaae tare whi Yesu Kerisoné doi doasi mulóturaalu, ai sekéné ama doimó Aya Kótópaae mo kée du betae.

*Keriso so whi atima naale senaaletamo wisiyóló betae yóló dere ma fo*

<sup>18</sup> Diḡ whiné dokore sorape-ó, diaaḡ dere ala mo Talené so whiné dere ala kaaetóro yaasepóló, diaaḡ whirapené dere fo wosóló aḡmó betae.

<sup>19</sup> Diḡ so dokore whirape-ó, diaaḡ sorapepaae hapólui ala ó deteraai fo ini, yaala sókó fole alatóro yó tawae.

<sup>20</sup> Diḡ naale senaale-ó, diaaḡ hae ayané dere fo wosóló aḡmó betae. Atétere ala Talené kilituraalu, ḡ ḡekesetu beterapó.

21 Naale senaale alimarape-ó, diaaḡ naale senaale atima fomaake kisipa muaḡsóró hasekḡai ala eraḡse.

22 Kutó dirḡpóló wae sere whḡrape-ó, i haemó diḡ tḡteróló kaae tare whḡrape aḡmó bitu, atimané erae dere ala fea erótu betae. Atimané kisipa tiki felé yḡpóló, atima keletómó maaté kutó hatepaa yóló ini, betepa ó alupakélé, betḡ alatóró yó tawae. Atimané diḡpaae dirae dere kutó diróturaalu, wisi kisipa betḡtóró muóló, Talepaae witamo dirótu betae.

23-24 Diḡ tḡteróló kaae tare whḡta mo whḡtei, yaḡo i ditu betere kutómó Talené dupu wisi melaalopóló, wisi kisipatamo ketekḡ buóló dirótu betae. Ti naao ai ditere kutóta, yaḡ tḡteróló kaae tare whḡ Yesu Kerisoné kutópóló kisipa muae.

25 Téretei, Talené keletómó diaaḡ me dowi alatamo depa, ti ai alamó mo dowi duputóró tokḡ melaalo ai ape. Ti noatepae, Kótóné taleturaalu, mepaae whḡrape tao sóo, mepaae whḡrapemo só deróo ini, mo betḡ kaae alatóró eraalopó.

## 4

1 Wae sóró kutó diratere whḡ tḡteróló kaae tare whḡrape-ó, diḡkélé tḡteróló kaae tare doasi hepen bemó beterapóló kisipa mutu, Kótóné donoí ala eróturaalu, diaaḡ wae sóró kutó diratere whḡrape atimakélé, diḡ kaae mo whḡtóró betepa, wisi alatóró erótua yae.

*Mepaae dere alarape hotowaró duraalu moma yae dere fo*

<sup>2</sup> Diaaḡ momaturaalu, noke keḡleiné ini, kele diriyóló bitu, hosaa tuamó Talepaae mo kée yóló betere dokḡ fea moma dere ala haḡe yó tawae.

<sup>3</sup> Téturaalu, Tale Kótóné ama kinóló mole fo so whḡ feapaae yó melaaire tu tukiyópóló, daḡpaaekélé moma dere ala haḡe yó tawae. Ti ai kinóló mole foné, Yesu Kerisoné diḡ Juda meire fake so whḡkélé tao saalopó. Atéyaaire fo wisi yó maté kutu betepa, atimané ḡ *dipula* sóró i betero betere ape.

<sup>4</sup> Talené fo yaḡo yó matepa, so whḡ feané wosóló bete mo wisiyóló kisipa yaaire fotóró yó melópóló momarótu betae.

<sup>5</sup> Keriso meiyóló, haḡe belapaae betere so whḡtamo diaaḡ mepaae ala duraalu, Talené matere wisi kisipatamo ama ala eraaire be de mepaae haḡe kemeraḡsóró, ama alatóró erótu betae.

<sup>6</sup> Atéturaalu, mepaae mo so whḡtamo diaaḡ dere fokélé, Talené hamokoróló tao sere ala mo faḡayóló suru, naao ai dere fo atima feané wosetepa, kó felé kaae dapó yópóló yae. Atéturaalu, mepaae so whḡné diḡpaae kae kae wosetere fo depa, tokḡ melaaire fo kóló kóló ini, mo donotóró tokḡ melaalopó.

*Mo kemeróturaalu kḡleó dere fo*

<sup>7</sup> Yaḡo mo hosaa mole no Tikikas-né ḡ betere ala etérapóló diḡpaae yaalo ai ape. Ti aḡa, etamo Talené kutó diratere whḡ wisinaale betepa, diḡ beterepaae wópóló doteyaai dapó.

<sup>8</sup> A atéro wouraalu, dané du betere alakélé diḡpaae yóo, diḡ fotokḡ bulatere alakélé yóo, yópóló dotonatapó.

<sup>9</sup> Diaaḡ be wh̄ikó ḡané mo hosaa mole no Onesimas-kélé, Talené kutó diratere wh̄i wisi-naale Tikikas-tamo wópóló dotęyaai dapó. ḡané imó du betere ala fea ti atimaamoné diḡpaae yaalo ai ape.

<sup>10</sup> Ẹtamo betámó *dipula* betere wh̄i Aristarkus-né diḡpaae kọléó dapó. Banabas-né belema Mark-nékélé diḡpaae kọléó dapó. Ai sekémó kisipa mutu yało take diḡpaae yale fo diaaḡ kisiparapa, ą wisiyóló dape sae.

<sup>11</sup> Dą tẹteróló kaae tare wh̄i Yesuné yakoma Yesu doi mupatei, Jastus-pó du betere wh̄inékélé diḡpaae kọléó dapó. Talené tẹteróló kaae tare tuámó mole ala erótu betere wh̄irape kuamó ẹtamo kutó diterere Juda fake wh̄irapekó sore betḡ beterapó. Aita Mark, Jastus, Aristarkus atimané yało kisipa felérótu betalepó.

<sup>12</sup> Diḡ be wh̄ikó Yesu Kerisoné kutó diratere wh̄i Epapas-né diḡpaae kọléó dapó. Betere dokọ ama diḡmó momatu betereitei i ape. Kótóné diḡ fotokọ bulóo, ama diḡpaae eraaire ala turó eróló sųróo, Kótóné ama kisipa mole ala mo turó diaaḡ tuę yóo yópóló, keteke buóló momarótu beterapó.

<sup>13</sup> Yało diḡpaae mo i dere ape. Ai sekéné diḡmókélé, Laodisia beró Hierapolis be huluata-momó betó mole Keriso so wh̄ipaaekélé, me sekei ala eraḡsóró, ama hosaamó suraalu kutó ditu beterapó.

<sup>14</sup> ḡané hosaa mole no *Dokta* wh̄i Luk-ró Demas-tamoné diḡpaae kọléó dapó.

<sup>15</sup> Laodisia bemó betó mole ḡané Keriso ne nopaaekélé, kale so Nimparó ama bemó touróló bitua dere Keriso so wh̄itamopaaekélé, yało kọléó

dapó yae.

<sup>16</sup> Yalo i dotonaterere ase diaaḡ dosḡayóló keme-tepa, ti Laodisia Keriso so whínékélé dosḡayópóló melae. Yalo atimapaae dotonale ase diaaḡkélé dosḡayae.

<sup>17</sup> Artipus-paae Talené yaḡpaae dirae yale kutó diróló, mo ti kemerae yae.

<sup>18</sup> Eḡta, Pol-né dapó. Yalo diḡpaae kḡleó yóló i aseḡere fota, mo yalo naasenétóró ai erapa ke-lae. E *sein* kḡpiné dokóló *dipula* beteretei kisipa keteréni, kisipatóró ḡale yó tawae. Kótóné ḡale hamokoróló tao sere ala diḡ tuḡmó mulópóló yae.



**Yesu Kerisoné So Whi Tao Sere Kisi Fo Wisi  
The New Testament in the Falopa Language of Papua  
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

    You include the above copyright and source information.

    You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

---

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105